



“SARAJEVOPUTEVI” D.D. SARAJEVO
MUSTAJBEGA FADILPAŠIĆA BR. 17
71000 SARAJEVO

Tel: +387 (0) 33 667 499

Fax: +387 (0) 33 667 500

E-mail: info@saputevi.ba

www.saputevi.ba

Broj: 2485/25
Sarajevo, 21.05.2025. godine

Na osnovu člana 64. stav (1) tačka b) i člana 70. Zakona o javnim nabavkama Bosne i Hercegovine („Službeni glasnik BiH“, broj 39/14, 59/22 i 50/24), te na preporuku Komisije za nabavke broj: 2462-2/25 od 21.05.2025. godine, Direktorica Društva, d o n o s i:

O D L U K U
o izboru najpovoljnijeg ponuđača
NABAVKA KREČNJAČKOG KAMENOG MATERIJALA ZA NASIPANJE PUTEVA (TAMPON)

I

Ovom Odlukom vrši se izbor najpovoljnijeg ponuđača **MGBH d.o.o. Sarajevo** u postupku nabavke Nabavka kamenih agregata za proizvodnju asfalta

II

Izabrani ponuđač nije dužan dostaviti dokaze predviđene članom 45. i 47. Zakona o javnim nabavkama obzirom da je iste dostavio uz ponudu.

III

Nakon pravosnažnosti ove Odluke, ugovorni organ će pozvati izabranog ponuđača iz tačke 1 ove Odluke radi zaključenja ugovora kojim će se regulisati međusobna prava i obaveze vezane za predmetnu nabavku, u skladu sa odredbama Zakona o javnim nabavkama, odnosno poslati obavještenje ponuđačima koji su učestvovali u postupku nabavke.

O b r a z l o ž e n j e

Na osnovu Odluke o pokretanju postupka javne nabavke robe, broj: 2171/25 od 29.04.2025. godine kojom se odobrava NABAVKA KREČNJAČKOG KAMENOG MATERIJALA ZA NASIPANJE PUTEVA (TAMPON) i Odluka Direktorice Društva o imenovanju Komisije za javne nabavke, broj: 2171-OIK/25 od 29.04.2025. godine, proveden je OTVORENI POSTUPAK 8093-1-1-46-3-152/25 od 29.04.2025. godine.

Javno otvaranje ponuda u postupku predmetne nabavke održano je dana 20.05.2025.godine u 13:30h, ul.Mustajbega Fadilpašića br.17, sala 1/I, o čemu je sačinjen poseban Zapisnik o otvaranju ponuda, broj: 2462-1/25 od 20.05.2025.g. Svim ponuđačima isti je dostavljen putem maila-a isti dan.

Komisija je prilikom otvaranja ponuda javno saopštila podatke o nazivu i sjedištu ponuđača, ukupnu cijenu ponude i eventualni popust, ne praveći tom prilikom uvid u sadržaj i validnost dostavljene dokumentacije. Na Protokol do roka određenog za prijem ponuda (do 20.05.2025.godine do 13h), ugovorni organ je zaprimio ponude 2 (dvije) ponuđača i to:

- MGBH d.o.o. Sarajevo i
- BIJELE VODE KAMENOLOM d.o.o. Trnovo

Komisija je izvršila uvid u dostavljenu ponudu ponuđača koji je učestvovao u predmetnom postupku nabavke te je prilikom analize ponude komisija utvrdila sljedeće:



“SARAJEVOPUTEVI” D.D. SARAJEVO
MUSTAJBEGA FADILPAŠIĆA BR. 17
71000 SARAJEVO

Tel: +387 (0) 33 667 499
Fax: +387 (0) 33 667 500
E-mail: info@saputevi.ba
www.saputevi.ba

- Da ponuda ponuđača **MGBH d.o.o. Sarajevo** u iznosu **99.900,00 KM** bez PDV-a, koja u potpunosti ispunjava sve pravne, ekonomske i tehničke uslove utvrđene pozivom za dostavljanje ponuda, te je ista **ocijenjena kao formalno-pravno, ekonomski i tehnički prihvatljiva.**
- Da ponuda ponuđača **BIJELE VODE d.o.o. Trnovo** u iznosu **94.220,00 KM** bez PDV-a, ne ispunjava kvalifikacione uslove propisane tenderskom dokumentacijom, te je ista **ocijenjena kao neprihvatljiva.**

Komisija za nabavku je utvrdila da ponuda ponuđača **BIJELE VODE KAMENOLOM d.o.o. Trnovo** ne ispunjava zahtjeve u pogledu uslova za kvalifikaciju. Tačkom 7.4.1. TD Ugovorni organ je naveo da će ponuda biti odbačena ako ponuđač ne ispuni sljedeće minimalne uslove:

- a) da je ponuđač u posljednje 3 godine od dana objave obavijesti o nabavci imao uspješno ispunjen jedan ugovor od minimalno 80.000,00 KM bez PDV-a, na isporuci roba istih ili sličnih predmetu javne nabavke,
 - b) da kvalitet ponuđenih roba navedenih u specifikaciji (aneks 3 TD) ispunjava zahtjeve iz tehničke specifikacije,
 - c) da ponuđač ima na raspolaganju kamenolom.
- Tačkom 7.4.2. ocjena tehničke i profesionalne sposobnosti ponuđača će se izvršiti na temelju sljedećeg dokaza:

- a) Dokaz se podnosi u obliku popisa provedenih ugovora istom ili sličnoj popisnoj listi shodno obrascu iz Aneksa 10 TD uz potvrdu koja daje druga ugovorna strana o njihovoj realizaciji. Potvrda o uredno provedenim ugovorima mora sadržati sljedeće podatke: naziv i sjedište ugovornih strana, predmet ugovora, vrijednost ugovora, vrijeme i mjesto provedbe ugovora, navode o uredno provedenim ugovorima.
- b) Izjavu ponuđača da kvalitet ponuđenih roba navedenih u specifikaciji (aneks 3 TD) ispunjava zahtjeve iz tehničke specifikacije
- c) Dokaz o raspolaganju kamenolomom – Ugovor o poslovno-tehničkoj saradnji.

Ponuđač **BIJELE VODE KAMENOLOM d.o.o. Trnovo** u svojoj ponudi na stranici 25. je dostavio kopiju jedne stranice Aneksa Ugovora o koncesiji za eksploataciju tehničkog građevinskog kamena dolomita i krečnjaka na ležištu „Bijele vode“ opština Trnovo. Navedeni dokument ne predstavlja dokaz da ponuđač ima na raspolaganju kamenolom, obzirom da nije pravni akt kojim bi nedvosmisleno dokazao raspolaganje kamenolomom i samim time ispunio uslov tražen tenderskom dokumentacijom jer na istom nema ni potpisnika ugovora, odnosno aneksa niti bilo čim predstavlja valjan dokaz za raspolaganje kamenolomom, što njegovu ponudu čini neprihvatljivom jer ista ne ispunjava kvalifikacione uslove.

Cijeneći činjenično stanje, Komisija konstatuje da je za javnu NABAVKA KREČNJAČKOG KAMENOG MATERIJALA ZA NASIPANJE PUTEVA (TAMPON) pristigla ukupno 1 (jedna) prihvatljiva ponuda za Ugovorni organ.

R. br.	Naziv/ ime ponuđača	Ponuđena cijena bez PDV-a	Ponuđeni popust	Cijena ponude sa uračunatim popustom	Ukupna ponuđena cijena sa popustom i PDV-om
1.	MGBH d.o.o. Sarajevo	99.900,00 KM	/	99.900,00 KM	116.883,00 KM

Za predmetni postupak predviđeno je provođenje e-aukcije, ali obzirom da je pristigla samo jedna prihvatljiva ponuda i to ponuda ponuđača **MGBH d.o.o. Sarajevo** ugovorni organ nije zakazao e-aukciju, a sve kako je to

Društvo je upisano u registar Općinskog suda Sarajevo u Sarajevu broj: 065-0-Reg-11-002218 od 01.09.2011. godine
MBS: 65-02-0026-11(stari broj:1-2136), JIB: 4200492780000, PDV 200492780000, Poreski broj: 0107117400
Transakcijski računi: ASA Banka d.d.Sarajevo:1344701006880066; Bosna Bank International d.d. Sarajevo:
1410010001577676, Union banka d.d. Sarajevo 1027080000038857



“SARAJEVOPUTEVI” D.D. SARAJEVO
MUSTAJBEGA FADILPAŠIĆA BR. 17
71000 SARAJEVO

Tel: +387 (0) 33 667 499
Fax: +387 (0) 33 667 500
E-mail: info@saputevi.ba
www.saputevi.ba

i predviđeno članom 4. stav (2) Pravilnika o uslovima i načinu korištenja e-aukcije koji propisuje da: u slučaju prijema jedne prihvatljive ponude e-aukcija se ne zakazuje.

Obzirom da ponuda ponuđača **MGBH d.o.o. Sarajevo** u potpunosti odgovara traženim zahtjevima Ugovornog organa, da ovaj ponuđač ispunjava sve formalno-pravne, tehničke i ekonomske uslove odnosno zahtjeve ugovornog organa, odnosno da je njegova ponuda prihvatljiva za ugovornog organa, data je preporuka ugovornom organu da se u postupku nabavke **NABAVKA KREČNJAČKOG KAMENOG MATERIJALA ZA NASIPANJE PUTEVA (TAMPON)** izvrši dodjela ugovora navedenom ponuđaču, kao najpovoljnijem, a koji je ponudio najnižu prihvatljivu ponudu koja iznosi 99.900,00 KM bez PDV-a, odnosno ukupna vrijednost Ugovora 116.883,00 KM sa uračunatim PDV-om.

Cijeneći navedeno donosi se Odluka kao u dispozitivu.

Pouka o pravnom lijeku

Svaki ponuđač koji ima legitiman interes za konkretan ugovor o javnoj nabavci i koji smatra da je ugovorni organ u toku konkretnog postupka dodjele ugovora prekršio jednu ili više odredbi Zakona o javnim nabavkama i /ili podzakonskih akata ima pravo uložiti žalbu ugovornom organu u roku od 10 (deset) dana po prijemu odluke o izboru, shodno članu 99. i članu 101. Zakona o javnim nabavkama, radnim danima u radno vrijeme.



DIREKTOR
[Signature]

Fazlić Nataša, dipl.pravnik

Dostavljeno:

- Ponuđačima,
- web portal ugovornog organa,
- a/a.